

gua, quarto loco à terra eleuatur. *Terræ* autem Elementum, cum sit spissum, tenebricosum ac densum, & impuritate sua velut fæx atq; sentina cæterorum, subsidere, ac imum obtinere locum iustum est. Adstruit hoc elegans *Hippocratis* sententia in *libro de Principiis* ita loquentis: *Plurima illius immortalis pars (quod calidum vocamus) cum omnia essent conturbata, ad supremam illam regionem recessit, quam veteres Æthera videntur nominare. Et Trismegistus in Sermone Sacro: Cum omnia essent indigesta, res omnes distingui & librari cœperunt, leuiaque Igneo Spiritu vehebantur, & in excelsum regionem pro volabant, & immediatè emicuit cælum septem Circulis. Quo pacto, & quam accurate verus Chymicus hanc Magnæ Matris, Naturæ inquam, vetustissimam atque primam dispositionem æmuletur, notius est, quam vt à nobis doceri debeat prolixius. Et hæc quidem in Macrocosmo ipsa rerum primordia nobis monstrauere. Sed quid in Microcosmo? Zoroastrum, Philosophorum antiquissimum, cuius tempora ad Nini vsq; ætatem referunt Chronicarum rerum periti, contemplatum admirandam hominis fabricam, lymphatico similem præ admiratione exclamasse perhibent:*

Ω τολημεροτάτης φύσεως ἀνθρώπου τέχνησµα!

Non